



# Daifim


An Official Organ of YMA, Khuangpuilam Branch.

## YMA MOTTO



Hunawl hman that  
Zofate hmasawwna ngaihtuah  
Kristian nundan tha ngaihsan

Khawchin : Source - Accuweather.com



Khua a that rin a ni.  
Temp - Max: 32°C Min: 20°C  
Dar 5:14-ah ni a chhuak ang a,  
Tlai Dar 5:34-ah a tla leh ang.

Vol - VI Issue No. - 10

- Vau Thla -

29<sup>th</sup> March, 2020 (Pathianni)

**Tunkar chang vawn : Filipi 4:19**  
"Ka Pathian chuan Krista Isuaa a  
hausakna ropui tak atangin in  
mamawh tinreng a pe ang che u."

### Khuangpuilam Village Task Force- te'n tanpuina dawng

Khuangpuilam Village Task Force KVTF)-te chuan veng chhung leh pawna mi inphalte atangin KVTF in enkawlina tur leh an hmalak zelna atan tanpuina thilpek an dawng zel a. Khawtlang hmangaia petute zawng zawng chungah KVTF chuan lawmthu a sawi tak meuh meuh a ni. Tanpuina thilpek petute :

1. Bialtu MLA, ₹ 10,000/-
  2. Pi Ramhlunmawii, ₹ 500/-
  3. Pu Hmuna, ₹ 500/-
  4. Pu GS. Zaithantluanga, ₹ 500/-
  5. Pi R. Lalduhawmi ₹ 1,000/-
  6. Pu Chawngsailova, ₹ 500/-
  7. Pu Zobiaksanga, ₹ 1,500/-
  8. Pi K. Lalrindiki, ₹ 1,000/-
  9. DFO, ₹ 6,000/-
  10. Pathian Kohhran, Kpl ₹ 2,000/-
  11. Pu R. Vanlalzuia, ₹ 1,000
  12. PCI, Khuangpuilam ₹ 10,000/-
  13. Upa Lalthansanga, ₹ 500/-
  14. Pu B. Vanlalawia, ₹ 500/-
  15. Hming thup, ₹ 3,000/-
  16. Pu VL. Chhara, ₹ 1,000/-
  17. Lalnunpuui(Manutei), Sahbawn
  18. Pu Lalramngaia, Thingpui leh a hmeh
  19. Pi Lilypari, Thingpui
  20. Pu Lalranpuia Rengsi, Frooty leh Chhang
  21. Pi K. Lalrindiki, Glove
  22. Pi Thartei Excise, Hand Sanitizer
  23. Pu F. Lalbiakliana, Brite leh no
  24. Pu R. Vanlalvuana, Thingpui leh a hmeh
  25. Pu Lalremruata(Marema), Mineral water Case 2
  26. Pu Sammy Vanlaltiana, Vengthar, Litchi
  27. Pu HD. Vanlalauva, Water tab leh Thingpui
  28. Pu R Lalhmachhuana (LCA) Dispo cup, Agarbati, Electric, Pangbalchhum.
  29. Pu Lalawmpuia Chawngthu, Alu bag 1.
  30. Pu Lalrinthanga Sailo, Chhuanchham pualin ₹ 10,000/ Task force pual ₹ 2,500/-.
  31. Pu Steven Ramengmawia, ₹ 2,000/
  32. Pu Lalhluna, ₹ 500/-.
- (Tih hmaih awm palh theiah hriatthiamna kan ngen e.)

## Khuangpuilam Village Level Task Force din Theihtawp chhuahin Covid-19 umbo tum

Dated Khuangpuilam, the 29th March, 2020 (Pathianni) :

Hripui Covid-19 darhzau zel tur veng tur leh umbo a nih theih nana hmala turin sawrkarin Village Level Task Force (VLTF) din a rel angin, ruahmanna awmsa angin Khuangpuilamah pawh din a ni.

Chairman : Pu Robert Vanlalhruaia

Secretary : Pu Stanley Thanchungnunga

Member-te : VC atangin - 1. Pu Lalhmachhuana

2. Pu H. Lalroliana

3. Pu Vanlalrova

YMA atangin - 1. Pu HD Daniela, President

2. Pu Lalremsiama Varte, Secretary

3. Pu Rotlingpuia, Fin, secretary

MUP atangin - Pu PC Hmingthanga, President

MHIP atangin - Pi Lalramhluni, President

Kohhran atangin - 1. Upa Lalthansanga, PCI

2. Upa James Vanlalruata, UPC (NE)

3. Upa Lalsanglura, UPC(M)

4. Upa F. Lalbiakliana,

Tin, anni hian Task Force tilianin, mi 16 duty tur ruat belhin, group li (4)-ah inthenin, thahnemngai takin an in-duty chhawk thin a ni.

Ni 26 Vau thla, 2020 (Ningani) khan Khuangpuilam VLTF-te thukhawmin, vengchhung mipui mamawh zualte tan hetiang hian ruahmanna a siam a ni :-

1. NR Hall kawt-ah Khuangpuilam vengchhung mipuite tan bazarna hun siam tum a ni a. Bazar hun atan Inrinni & Thawhlehi tla dar 2:00 atanga dar 5:00 thleng ruahman a ni.
2. Vengchhung leh veng pawna eichawp dawr neite'n an duh chuan hemi hmunah hian inzawrh phal a ni ang.
3. Eichawp thlai chawhmeh zuar duh tan inzawrh phal a ni.

Bazar duh tan, chhungkhat aiawh 1 bak chhuah phal a ni lo. Tin, veng pawnah bazarna hun siam a ni lo ang. Hei hi thuleh awm hma chu rin tur a ni.

### Hlawhtling takin KVTF te'n Bazar huaihawt Mipui thlawpna hmu tha

Vau thla ni 28, 2020 (Inrinni) chawhnu dar 2 atanga tla dar 5 thleng khan Khuangpuilam Village Level Task Force-te chuan BNRGSK Hall-ah veng mipui tan chawhmeh bazarna hun a siam a. Veng mi leh sa dawr neite leh thlai thar zuar duhte tan zawrh phalsak niin, mi 26 bawr velin thlai leh anhnah an rawn zuar a ni. Tin, a dawrtu mipui lam pawhin Task Force-te thu ngai takin, harsatna awm lovin bazarna hun neih ni a hriat a ni. Bazar haw lam pawh thuawih taka dan zawm chungah in lam an pan ngei rin a ni. Bazar hi tla dar 5-ah tihtawp a ni.

### FLS Sub-committee ten hnatlang runpui nei

Kar liamta kar tuan deuh thaw khan Khuangpuilam Branch YMA FLS Sub-committee chuan hnatlang an nei a. Hmun thenkhatah FLS cable hal kanna leh sah chhiatna te, FLS Horn Unit lam chianguang lote a lo awm nual avangin duh angin hna an zo hlei thei lo a. A theih ang ang siam that niin, a then lai erawh duhthu sam chiah lo mahse, hun remchang danga siam a, FLS cable leh Horn thar tha zawkte neih theih a nih huna duhtusam zawka siam leh tura tih ni a hriat a ni.

**YMA chu tanpui ngaite tanpuitu a ni. – YMA Kumpuan : Zirna uar**

**Editorial Board :**

Represent: Pu Rotlingpuia  
 Editor: Pu Ricky MS Dawngzela  
 Jt. Editor : Pu Lalsiamkima  
 Treasurer: Nl. Florence Zoremsangi  
 Cir.Manager : Tv. Samuel Lalpekhlua  
 Contact No: 9862501858 / 9612691291  
 9612761781 / 7005494983

**FLS Station - 9612566886**

**Chawngbawla Section**

Leader : Pu F. Lalbiaksanga  
 96121 55162  
 Secretary : Tv. R. Lalnuntluanga  
 82599 60032

**Vanapa Section**

Leader : Pu Lalchuaailova  
 87300 99599  
 Secretary : Tv. Lallawmzuala  
 87875 41803

**Khuangchera Section**

Leader : Pu Lalramzaua  
 76408 95924  
 Secretary : Pu Zachungnunga Hrahse  
 76299 69989

**Editorial.....**

**Insiamrem**

**Psychology subject-ah chuan ‘Finna’ kan tih hi ‘Awmna hmun mil ang zela insiamrem theihna’ a ti a. Chuvangin, mifing chuan hei hi ka tih dan, chet dan, khawsak dan phung pangngai a nih hi a tihlur ngai lo tih a lang. Chutih rualin, a chhia a tha thliar lovin a awmna hmun ang zelin a khawsa ve tihna erawh a ni hauh lo thung; hriatthiamna nen a awmna hmun milin a inher rem mai zawk a ni.**

**Tunah pawh kan ram mai nilo, khawvelin harsatna namen lo a tawh a. Heng harsatna a lo thlen hian loh theih lohin ei leh bar a ngawng tel ngei ngei thin. Chutih hunah chuan fing leh fing lo khawsak rel a dang viau ang.**

**Mi fing chuan thil lo thleng tur thlirin a inbuatsaih a, hun harsaah a khawsak phung a thlak thiam thin. Hun danga nuamsa taka awm thin kha, a hun tawn a zirin a khawsak rel a tidanglam a, a hmaa a ei dan phung ang khan a khawsak chuan reiloteah chhuan-chhamin a awm dawn tih hriain a inren a, daihzai thei ang berin khawsak a rel.**

**Chutih rualin, eng sakhua leh eng hnam mah hian midang dawn lek lova mahni intuituaha thil chheprelh bik erawh an zirtir lo a ni.**

**Chuvangin, he hun harsaah hian chunghtinte kan inpuahchah a ngai hle mai. Ei tur hi lo thleng reng mahse, nidang anga indaihin kan awm kher lo ang. Chuvangin, kan neih chhunte kan ren thiam a pawimawh a; a remchan anga mahni hmasial lutuk bik silo a neih belh zel pawh kan tum tur a ni.**

**Mahse, tun hunah chuan i ei tur ngaihtuah lutukin ei thei lo lekin a siam thei che tih hria la; ei reng thei tura fimkhur leh inveng tak chungin ei tur ngaihtuah chauh ang che. Ei tur i hawn ruala natna i hawnin engnge awmzia awm ang?**

**Branch YMA Office Bearer**

<b>President</b> Pu HD Daniala 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David lalrosanga 9436158962
<b>Vice President</b> Pu S. Lalthangliana 8787326114	<b>Assistant Secretary</b> Nl. Florence Zoremsangi Sailo 9612761781	<b>Financial Secretary</b> Pu Rotlingpuia 9862385193

**Covid-19 chungchanga hriattur awmte**

☞ Vau thla ni 27, 2020 (Zirtawpni) chawhma khan DC Conference Hall, Kolasibah DC leh VC-te’n Covid-19 lak a khawtlang a inkaihhruaina kalpui dan tur rela thutkhawmna neih a ni a. Hmalakna tur chi hrang hrang sawiho a ni.

☞ Supply changtu Minister Pu K.Lalrinliana hmalaknain April thla quota ration chu March thla tawpah sem a ni ang a, AAY leh Priority Household card (ration card eng leh pawl) neihote tan chuan ration a thlawna sem a ni ang. tin, Ration card var (APL) nei zingah pawh harsa tak tak an awm avangin, heng mi rethei zual Ration card var neite chungchang pawh ngaihtuah a ni dawn. Heng mi rethei zual an awm em tih endik hi Local Task Force kutah dah a ni dawn a ni.

Buhfai leh mipui nitin mamawh dangte hun eng emawchen atana Mizoram mipui mamawh daih a awm a; chutih rualin, hma hun hriat a nih loh avangin inrenchem turin Minister hian mipuite min ngen a ni.

Supply Minister chuan Mizoram Truck Drivers’ Association in Mizoram mipuite kan riltama kan awm phal lova theihtawp chhuah an tum thu thuchhuah an siam chu a lawmthu a sawi a. Mizoram Truck Owners’ Association te pawhin tha taka sawrkar thawhpua Bairabi-a Mizoram buhfai tur rela lo thleng la chhuak zung zung tura theihtawp an chhuah vangin lawmthu a sawi bawh a ni. Tunah hian buhfai wagon 68 lai Bairabi ah a ding mek a, a phur tur truck indaihloh vangin tunah hian MLA te leh mi tlawmngai ten an truck te an thawh a, a tul chuan sawrkarin ruahmanna dang a siam zel ang a ti a ni.

☞ Electric duty rawn kal reng reng te nen Sawrkar duh dana inhnaih chilh lo turin P&E Department chuan mipuite a ngen a. Emergency thil nilo leh electric bill chungchang erawhchu tun dinhmunah complain lo turin a ngen bawh a ni. Mipui him zawk nan electric bill counter khar a ni a, electric bill sem dan a rualkhai zawk nan online-a pekna pawh tih tawp lailawh a ni. Hun ralmuan veleh bill hi a hlawma pek mai turin ruahmanna siam a ni ang. Damdawiin mamawh leh Tui pump-na tura power hnianghnar zawk pek a nih theih nan chhung tinin current hmang tlem a, oven, geyser etc. hmang tlem turin P&E Department chuan a ngen bawh a ni.

Hrileng, COVID-19 karah loh theih loha mahni in chhuahsana mipui tana thawktute tana tawngtaipui turin Department chuan mipuite a sawm bawh a ni .

☞ Dr Girdhar Gyani, Convenor, Task Force on COVID-19 hospitals, The Quint chanchinbu (thequint.com)-in a kawmnaah tunah hian India hi Stage 3 ti a kan sawi mai, mipui mimira inkaidarh hun, a hun khirh lai leh inkai darh chak lai ber kan thleng dawn mek a. He hunah hian a kai darhtu ber leh kai darh dan chhui harsat lai a ni. Chuvangin tun atanga ni 5/10 chhung hi inven pawimawh hunlai, natna lo pai ru rengte rawn lanchhuah tan hun a ni, tiin a sawi.

(Kan hriat atana tha chu, he hri rawn irh chhuahna Wuhan khawpui, mipui maktaduai 11 vel awmna, lockdown an puan atangin lirthei vei vak chhuak leh lut mai pawh nilo, medical emergency pawh khar nghal niin; Sikul chawlh hun a pawtsei nghal bawh a. Ei tur leh damdawi dawh tih loh a khar nghal vek a. Pawmpuina (permit) tel lovin mimal lirthei tlan phal loin, public transport pheih chu tih tawp nghal a ni.

A tir lamah mipui chhuah phaltir anni zeta; mahse, phalloh ni leh vatin ei leh in tur lam turin ni 2 danah chhungkhatah mi 1 bak chhuahtir phal anni lo a ni. A hnuah pheih chuan fimkhur zualin in tinah hriselna endik niin, damlo nia hriat chu an dah hrang hmak hmak mai a ni. Hetiang khawpa hma an lak avang hian buaina nasa zawk thleng loin an hneh theihna chhan nia hriat a ni. Chuti chungin tun thlengin inkhuahkhirhna an la kalpui zel a ni. (<https://www.theguardian.com/world/2020/mar/19/chinas-coronavirus-lockdown-strategy-brutal-but-effective>)

**Nun thlahlel chu a inveng thiam tur a ni.**

**VLTF/LLTF INKAIHHRUAINA**  
**CHUNGCHANGA SOP (POINT 12) AANNEXURE**  
**III - HOME QUARANTINE GUIDELINES**

**No.3335/2019-2020**

Nimina Sawrkar in Village Level/Local Task Force on COVID-19 te tana inkaihhruaina SOP a chhuah a, Local/ Village Level Task Force Mawhpurhna tlangpui Point 12 hnuaiia Annexure III - Home Quarantine Guidelines chu a hnuaiia tarlan a ni.

SOP ang chuan VLTF/LLTF ten an mahni khua/veng chungah COVID-19 vei nia rinhleleh emaw harsatna nei an awmin, thinhrik leh endawn an nih lohna turin chak takin hma an la anga. Sawrkar-in COVID-19 avanga in khunghran (Home Quarantine) ngai a tih te, mahni khua/veng theuh ah an lo enzui anga. List pawh fel takin an vawng tha ang. Hun biktuk chhungin tha takin home quarantine guidelines angin an kalpui em tih an thlithlai thin ang tih a ni. Annexure III ( Hei hi Government of India, Ministry of Health & Family Welfare, Directorate General of Health Services (EMR Division) te siam Mizo tawnga lehlin a ni) INKHUNGHRAN (HOME QUARANTINE) NA KAWNGA HRIATTUR PAWIMAWIH A HUAM THEI TE:

Mi tupawh, a zin chhuah vang emaw, thil dang engpawh vang emaw a novel Coronavirus Disease (COVID-19) kai ni a rintheih emaw, rinhleleh emaw anih chuan arang thei ang bera khung hran tur ani a, anmahni enkawl thei tura ruat bik te chauh in an khawih thin tur a ni. India ramin hetiang, mahni in lama inkhunghrang tura a tih te chu; i) zin veivak mi; ii) mihring pun khawmna hmuna awm tam, heng natna hri darh tawhna hmun lo tlawh tawh te: (iii) COVID-19 kai na hmun leh ram atanga lo kal, a bikin heng natna hri lenna hmun a finfiah tawh atanga lo kal te.

**IN KAICHHAWN AWMZIA:**

Natna hri inkaichhawn na hi mi hriseltha pangaiin, a hri vei tawh ten nen an awm ho emaw hri len tawh na hmun leh boruakah an lo khawsa ho tawh emaw anih chuan a kai ve theihna dinhmun chu a sang hle ani.

COVID-19 case hri kaichhawng thei te chu :

COVID-19 hri vei tawhte nen in khatah an chen ho in, COVID-19 hri vei nen hri inkaichhawnna lam a invenna hmanrua(Personal Protective Equipment (PPE) hmang lo emaw, an invenna hmanrua te lo chhiat emaw vanga intawhna an lo neih tawh in; COVID-19 hri vei nen hmun hnaivai tak emaw, hmaichhan emaw, thlawhna zinkawng ah emaw pawh metre-1 bial chhungah an lo awm tawh in.

He natna hri darh zau zel na ni, mihringin a natna hrik vanga a pai damlohna (symptoms) te a lanchhuah atanga ni 14 hma lam atang tawhin a lo intan thei reng tawh ani.

**INKHUNGHRANG (HOME QUARANTINED) TE HRIATTUR:**

In a in khunghrang te chu; Mi pakhat chauh awmna pindan, boruak tha luh theihna, inthiarna leh inbualna awm nghal a

awm tir thei ni se dunthusam ani. An chhungte nen pindan khatah an awm ngei ngei a ngai a nih chuan chuan an pahnih inkar an meter-1 tal dah awl thin tur a ni.

Kum upa te, naupai te, naupang leh harsatna/natna hrang hrangin a tlakbuak tawh te leh ama chenpui te lakah a awm hla tur a ni. In chhungah a tei kual tur a ni lo. Engtik lai mahin heng mipui pun khawm na hmun; biakin, inneihna leh mithi inah te an kal tur a ni lo.

(i) Heng a hnuaiia mitin te hnena in vawn fai dan tur ruahmanna awm te hi engtik lai pawh in zawm ve tel tur ani:

(ii) Kan kut hi uluk taka sahbawn emaw alcohol based (hand sanitizer) emaw in kan sil fo tur ani.

(iii) In chhung bungrua hrang hrang, entirnan; bungbel, no, inhruk na, khum khuh na leh thil dang reng reng in hman tawm loh tur a ni.

(iv) Hmui khuhna (surgical mask) te an vuah reng tur a ni a, heng mask te hi darkar 6-8 hnuah paih thin tur ani a, hman nawn leh tur ani lo.

(v) In lama inenkawl laia mek hri kai te emaw, a enkawl tute emaw leh a hri lo vei te bul hnai a awm te hmui tuamna (mask) chu uluk takin natna hrik thahna tur bik a siam, bleach solution (5 %) emaw sodium hypochlorite solution (1%) emaw a kan chiah hnuah chauh paih tur ani a ni. Halral emaw, phum bo emaw pawh a theih baw.

(vi) Hmui khuhna (mask) hman tawh hnu te hi natna kai tawh anga rin tur a ni.

(vii) Hri kai avanga natna awm thei te; khuh, khawsik, thawk lama harsatna nei kan awm chuan rang takin damdawiin hnai berah inhriattir emaw, phone number 011-23978046 ah hian biak vat thin tur ani.

**INKHUNGHRANG (HOME QUARANTINED) CHENPUITE LEH CHHUNGTE HRIATTUR:**

(i) Enkawl tura tih bik chauhin kan khunghran te chu an enkawl tur ani. An thawmhnaw hak hnu leh vun/taksa khawi lai mah kut lawnga khawih loh tur ani.

(ii) Kut kawr paih mai theih chi (disposable gloves) te hi an thawmhnaw hak hnu leh thil reng reng tih fai dawn in hman tur ani.

(iii) Kut kawr phelh hnuah fai taka kut chu sil leh tur ani.

Inah inleng neih phal loh tur

(iv) Kan khunghran te chu damlohna an lo nei anih chuan a bul hnaia ni 14 hun chhunga lo awm tawh te chu khunghran ve nghal tur an ni a, ni 14 dang leh pawh finfiahna (test report) in a natna a kui tawh lo tih a finfiah hma loh chu la khunghran reng tur an ni.

**KAN CHHEHVEL VAWN FAI:**

Kan khunghran te room a thil awm (entirnan; khum, dawhkân etc.) te chu nitin sodium hypochlorite solution (1 %) hmangin hruk fai ziah tur ani.

Inthiarna hmun te hi bleach solution/phenolic disinfectant hmangin fai leh ultk taka enkawl tur ani.

Thawmhnaw leh puan, kan khunghran in a hman te chu a hrang a fai taka suk thin tur ani.

**INKHUNGHRANG (HOME QUARANTINE) HUN CHHUNG:**

Inkhunghran (home quarantine) hun hian mi, natna hri kaitawh te nena an awm ho na atanga ni 14 chhung emaw, a hri kai ni a rinhleleh ten an kai lo ngei tih finfiah anih hun chhung a huam a ni.

*Written by: Pratap Chhetri, MIS, IPRO Dated: 27th Mar  
20 4:03 PM*



## CHANCHINTHAR

PPE LEH HMANRAW DANG LO THLENG:

Dt. 27<sup>th</sup> March, 2020 (Zirtawp) khan Covid-19 vei damlo enkawltute hak tur, Personal Protective Equipment (PPE) set 10,900, hmai tuamna N-95 mask 10,000, Infrared 200 leh pheikhawk tuamna 900 te chu a lo thleng.

TUN DINHMUNAH COVID-19 KAI BELH MIZORAMAH LA AWM RIH LO:

Health Minister Dr. R Lalthangliana chuan Ni 27<sup>th</sup> March, 2020 (Zirtawpni) khan thu chhuan siamin tun din hmunah Mizoram ah Covid-19 kai belh la awm rih lo ni a hriat thu a sawi. Tin Covid-19 vei Zoram Medical College (ZMC) a enkawl mek chu ngaihtuahawm a nih loh thu a sawi a, a nupui fanaute leh mi dang, sample 10 an thawn chu Covid-19 kai an awm lo a ni.

NEET EXAM HUN SAWN

National Testing Agency, Department of Higher Education, Ministry of Human Resources Development, Govt. of India chuan March ni 27, 2020 ah thuchhuah siamin National Eligibility cum Entrance Test (NEET) May ni 3, 2020 a neih tur chu a hun a sawn fel ta. March ni 27 a admit card tihchhuah tum pawh April ni 15 hma chuan tihchhuah theih a ni dawn lo. COVID-19 avanga buaina awm mekin ziaawm lam a pan hunah exam hun tur hi puan a ni ang.

INHLAWHFATE LEH LOCKDOWN AVANGA ZIRLAI TANGKHANGTE TAN STATE LEH UT-TE RUAHMAN-NA SIAMSAK TURIN MHA-IN THURAWN A PE

COVID-19 vanga rampum inkharkhipa kan awm mek laiin inhlawhfaa eizawngte leh zirlai tangkhangten harsatna an tawhloh nan Union Home Secretary chuan nimin khan State leh UT zawng zawngte ziakin thurawn (advisory) a thawn.

Ram pum ni 21 inkharkhip a nih avanga mahni awmna state pan thei lo, state danga tangkhang, lo neih kaihhnawih leh thilsiamna factory hmuna inhlawhte leh unorganised sector a thawktute tan ei leh in tur ruahman sak a, a theih ang anga heng mite tanpui turin State sawrkar te a ngen a. Chutiang bawkin lockdown avanga zirlai leh hmeichhia hnathawk, mahni state pan thei ta lo a, tangkhangte pawh an awmna ngaia an awm theih nan hma la turin state sawrkar te a hriattir baw.

Heng mi te tanpuina kawnga ruahmanna siam a nih theih nan NGO tiamin pawl hrang hrangten kawng dap ni se, a ti a. Heng mi harsa leh dinhmun tha lo a dingte tan Sawrkarin a thlawna buhfai leh thil tul dangte PDS kaltlanga pek tura a ruahman mek te chu anmahni hrilh hriat ni se, hei hian tul lova an chhuak tur a veng thei dawn a ni, a ti.

State leh UT sawrkarten nitin mamawh chatlak lova mipuiin an dawn theih nana tan a lak chungin, kharkhipna chu khauh taka kalpuia, dan bawhchhetute chu hrem turin a hriattir a ni.

SLBC HNUAIA BANK TE LOCKDOWN CHHUNGIN AN IN HAWNG DAWN

State Level Bankers' Committee (SLBC) leh Chief Secretary Pu Lalnunmawia Chuaungo te inkawmnaah Bank hnathawk te'n Lockdown chungina hna an thawh theih dan tur rel a ni a. Ruahmanna anga chuan 30.03.2020 atanga 14.04.2020 thleng zing dar 10 leh chawhnu dar 2 inkarah Bank hawn a ni dawn a. Bank hawn chhung hian Pawisa dahluh leh lakchhuah, Cheques Clearing, Sawrkar sum dahluh, lakchhuah leh chevel bakah ATM pawisa dahluh hna te thawh a ni ang. He ruahmanna hi 14.04.2020 hian ennawn leh tura tih a ni.

